

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2019/38, 10.06.2019թ.

**Բողոք բերող անձ՝** «ԳԴԱԿ» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը՝** «ՀՀ ՊՆ ՆՏԱԴ-ՀԲՄԱՊՁԲ-7/1» հրատապ բաց մրցույթ

**Գնման առարկան՝** ՀՀ պաշտպանության նախարարության կարիքների համար «Վրանների ձեռքբերում»

**Բողոքի պահանջը՝**

1. Դադարեցնել «ՀՀ ՊՆ ՆՏԱԴ-ՀԲՄԱՊՁԲ-7/1» հրատապ բաց մրցույթի գնահատող հանձնաժողովի կողմից «Տեքստուրլը» ՍՊԸ-ի հայտը բավարար գնահատելու և 1 և 2 չափաբաժինների մասով «Տեքստուրլը» ՍՊԸ-ին առաջին տեղ զբաղեցնող մասնակից ճանաչելու մասին որոշումները:
2. Պարտավորեցնել «ՀՀ ՊՆ ՆՏԱԴ-ՀԲՄԱՊՁԲ-7/1» հրատապ բաց մրցույթի գնահատող հանձնաժողովին՝ 1 և 2 չափաբաժինների մասով մերժել «Տեքստուրլը» ՍՊԸ-ի հայտը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը գրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Բողոք բերող՝ «ԳԴԱԿ» ՍՊԸ (ՀՎՀՀ 00432114)  
Հասցե՝ ՀՀ, ք. Երևան, Սարի Թաղ 1 շարք, տուն 8  
Հեռ: +374-93-88-99-77  
Էլ.փոստ՝ gdak@mail.ru

Պատվիրատու՝ ՀՀ պաշտպանության նախարարություն  
Հասցե՝ ՀՀ, ք. Երևան, Բագրևանդի 5

Գնման ընթացակարգի ծածկագիրը և առարկան՝

ՀՀ պաշտպանության նախարարության կարիքների համար«Վրանների ձեռքբերման»  
նպատակով հայտարարված  
«ՀՀ ՊՆ ՆՏԱԴ-ՀԲՆԱՊՁԲ-7/1» ծածկագրով  
հրատապ բաց մրցույթ

**Բողոք**

Գործի հակիրճ նկարագրությունը և բողոքի փաստական հանգամանքները.

Հարգելի ՀՀ գնումների հետ կապված բողոքներ քննող անձ, հայտնում ենք Ձեզ, որ ՀՀ պաշտպանության նախարարության կարիքների համար,վրանների ձեռք բերման նպատակով կազմակերպվել է «ՀՀ ՊՆ ՆՏԱԴ-ՀԲՆԱՊՁԲ-7/1» ծածկագրով հրատապ բաց մրցույթ, որին մասնակցել են ընդհանուր թվով երկու ընկերություններ, դրանք են՝

1. «ԳԴԱԿ» ՍՊԸ-ն (այսուհետ նաև Բողոքագրեր),
2. «Տեքստուրլը» ՍՊԸ-ն:

«Տեքստուրլը» ՍՊԸ-ն ՀՀ պաշտպանության նախարարության կողմից՝ կազմակերպված ՀՀ ՊՆ ՆՏԱԴ-ՀԲՆԱՊՁԲ-7/1 ծածկագրով հրատապ բաց մրցույթին մասնակցության հայտ ներկայացնելիս՝ որպես հայտի ապահովում, գնահատող հանձնաժողովին է ներկայացրել նաև «Արմավիրսբանկ» ՓԲԸ-ի կողմից 16.05.2019թ.-ին տրամադրված թիվ 1328/1015 և 1329/1015 բանկային երաշխիքները (կցվում են):

«Արմավիրսբանկ» ՓԲԸ-ի կողմից 16.05.2019թ.-ին տրամադրված թիվ 1328/1015 և 1329/1015 բանկային երաշխիքներում նշված է, որ դրանք գործում են մինչև 14-ը օգոստոս 2019թ.-ը ներառյալ:

Ի զարմանս մեզ, ՀՀ պաշտպանության նախարարության կարիքների համար կազմակերպված ՀՀ ՊՆ ՆՏԱԴ-ՀԲՄԱՊՁԲ-7/1 ծածկագրով հրատապ բաց մրցույթի գնահատող հանձնաժողովի կողմից «Տեքստուրլը» ՍՊԸ-ի կողմից ներկայացված հայտը, այդ թվում նաև բանկային երաշխիքը, գնահատվել է հրավերի պահանջներին համապատասխան՝ համաձայն գնահատող հանձնաժողովի թիվ 3 արձանագրության (կցվում է):

#### Բողոքի հրավական հիմնավորումները.

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

«Գնումների մասին» ՀՀ օրենքի 32-րդ հոդվածի 1-ին մասի համաձայն՝ մասնակիցը հայտով՝ հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ տուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված զանձապետական հաշվում:

ՀՀ կառավարության 04.05.2017թ. թիվ 526-Ն որոշմամբ հաստատված կարգի 32-րդ կետի 9-րդ ենթակետի համաձայն՝ հրավերով նախատեսվում է նաև, որ, եթե տվյալ ընթացակարգի շրջանակում գնվելիք ապրանքի, աշխատանքի կամ ծառայության նախահաշվային գինը չի գերազանցում գնումների բազային միավորի յոթանասունապատիկը, ապա հայտի ապահովումը ներկայացվում է միակողմանի հաստատված հայտարարության՝ տուժանքի կամ կանխիկ փողի ձևով: Այլ դեպքերում հայտի ապահովումը ներկայացվում է բանկային երաշխիքի կամ կանխիկ փողի ձևով:

Նույն կարգի 40-րդ կետի 4-րդ ենթակետի համաձայն՝ հայտերի բացման նիստում հանձնաժողովը մերժում է այն հայտերը, որոնցում բացակայում են գնային առաջարկը և (կամ) հայտի ապահովումը կամ եթե դրանք ներկայացված են հրավերի պահանջներին անհամապատասխան:

Նույն կարգի 41-րդ կետի համաձայն՝ եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Դրա հետ մեկտեղ, Ընթացակարգի հրավերի ՄԱՍ 1-ի 7-րդ կետի 7.1 ենթակետով սահմանվել է, որ մասնակիցը հայտով՝ սույն հրավերով սահմանված կարգով ներկայացնում է հայտի ապահովում: Հայտի ապահովումը ներկայացվում է բանկային երաշխիքի կամ կանխիկ փողի ձևով, որի չափը հավասար է մասնակցի գնային առաջարկի հինգ տոկոսին: Ընդ որում, եթե մասնակիցը հայտի ապահովումը ներկայացրել է սույն կետով սահմանված չափից ավելի, ապա հայտը համարվում է հրավերի պահանջներին բավարարող և ենթակա չէ մերժման ...:

Իսկ հրավերի նույն կետի 7.4 ենթակետի համաձայն՝ հայտի ապահովումը պետք է վավեր լինի հայտը ներկայացվելու օրվանից հաշված 90 (իննսուն) աշխատանքային օր: Հայտի ապահովումը ենթակա է վերադարձման այն ներկայացրած մասնակցին՝ սույն ընթացակարգի շրջանակում պայմանագիրը կնքվելուց կամ սույն ընթացակարգը չկայացած հայտարարվելուց հետո քսան աշխատանքային օրվա ընթացքում, բացառությամբ սույն հրավերի 1-ին մասի 7.3 կետով նախատեսված դեպքերի:

«Տեքստորիլ» ՍՊԸ-ի կողմից ՀՀ պաշտպանության նախարարության կարիքների համար կազմակերպված ՀՀ ՊՆ ՆՏԱԴ-ՀՐՄԱՊՁԲ-7/1 ծածկագրով հրատապ բաց մրցույթին 16.05.2019թ. մասնակցության հայտ ներկայացնելիս՝ որպես հայտի ապահովում, գնահատող հանձնաժողովին ներկայացվել է «Արմսվիսթանկ» ՓԲԸ-ի կողմից 16.05.2019թ.-ին տրամադրված թիվ 1328/1015 և 1329/1015 բանկային երաշխիքները, որոնց 5-րդ կետի համաձայն՝ երաշխիքը գործում է մինչև 14-ը օգոստոս 2019թ.-ը ներառյալ:

Այսինքն «Արմսվիսթանկ» ՓԲԸ-ի կողմից 16.05.2019թ.-ին տրամադրված թիվ 1328/1015 և 1329/1015 բանկային երաշխիքները գործում են, այսինքն վավեր են՝ 16.05.2019թ. մինչև



14.08.2019թ., որը ստացվում է ընդամենը մոտ 63 աշխատանքային օր (մոտ 88 օրացուցային օր), սակայն ոչ մի դեպքում ոչ 90 (իննսուն) աշխատանքային օր, ինչպես դա պահանջում է հրավերը:

Ճարտդրված փաստերից ուղակի երևում է, որ «Տեքստուրլդ» ՍՊԸ-ի կողմից ներկայացված բանկային երաշխիքները չեն համապատասխանում հրավերով սահմանված պահանջներին, քանի որ դրան վավեր են հրավերով պահանջված 90 (իննսուն) աշխատանքային օրից պակաս, հետևաբար հրատապ բաց մրցույթի գնահատող հանձնաժողովի կողմից չէր կարող բավարար գնահատվել՝ այն էլ հիմնավորվել, որ համապատասխանում է հրավերի պահանջներին:

Բողոքաբերը գտնում է, որ «ՀՀ ՊՆ ՆՏԱԴ-ՀՐՄԱՊՁԲ-7/1» ծածկագրով հրատապ բաց մրցույթի գնահատող հանձնաժողովը բավարար գնահատելով «Տեքստուրլդ» ՍՊԸ-ի հայտը, և մասնավորապես բանկային երաշխիքները, խախտել է թե «Գնումների մասին» ՀՀ օրենքի, և թե ՀՀ կառավարության 04.05.2017թ. թիվ 526-Ն որոշմամբ հաստատված կարգի վկայակոչված կետերը:

ՀՀ գնումների հետ կապված բողոքներ քննող անձին

խնդրում ենք՝

1. Դադարեցնել «ՀՀ ՊՆ ՆՏԱԴ-ՀՐՄԱՊՁԲ-7/1» ծածկագրով հրատապ բաց մրցույթի գնահատող հանձնաժողովի կողմից «Տեքստուրլդ» ՍՊԸ-ի հայտը բավարար գնահատելու և 1 և 2 չափաբաժինների մասով «Տեքստուրլդ» ՍՊԸ-ին առաջին տեղ զբաղեցնող մասնակից ճանաչելու մասին որոշումները:
2. Պարտավորեցնել «ՀՀ ՊՆ ՆՏԱԴ-ՀՐՄԱՊՁԲ-7/1» ծածկագրով հրատապ բաց մրցույթի գնահատող հանձնաժողովին՝ 1 և 2 չափաբաժինների մասով մերժել «Տեքստուրլդ» ՍՊԸ-ի հայտը:

Հարգանքով՝

«ԳԴԱԿ» ՍՊԸ-ի տնօրեն՝

10. 06. 2019թ.



Ս. Երանոսյան